

**BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON
KANTONALNO TUŽILAŠTVO
ZENIČKO – DOBOJSKOG KANTONA**

**Broj: T04 0 KT 0065168 25
Zenica, 15.01.2026. godine**

**OPĆINSKI SUD U VISOKOM
sudija za prethodno saslušanje
VISOKO**

Na osnovu člana 45. stav 1. i 2. tačka i), člana 241. stav 1. i člana 242. Zakona o krivičnom postupku Federacije Bosne i Hercegovine (ZKP F BiH), podižem,

OPTUŽNICU

Protiv:

P. N., ..., osuđivan 2015. godine zbog krivičnog djela iz člana 250. stav 2. u vezi sa članom 195. stav 1. KZ BiH,

Što je,

Dana 14.06.2025. godine oko 14,50 sati, u Visokom, na naplatnom mjestu ... „...“ uslijed zastoja na traci i nepodizanja rampe, najprije iz TMV kojim je upravljao počeo da neprestano trubi, pa nakon što je upozoren od strane zaposlenika R. A., a potom i šefa smjene, P. A., izašao iz kamiona, potom uputio više psovki P. A., psujući mu majku i dijete, a onda i prijetnji obojici da neće kući živi izaći s posla, da će ih prebiti, potom nastavio da psuje, a kada je P. A. otišao u objekat ... da pozove policiju, više puta ulazio u objekat i izlazio tražeći od P. A. da izađe, pa kad je P. A. izašao vani kako bi zajedno sa kolegom R. A. pokušao uspostaviti saobraćaj na traci, unio se P. A. u lice, pa kada je R. A. stao između njih dvojice, P. N. u jednom trenutku zamahnuo rukom prema glavi P. A., udarivši ga u predjelu desne strane brade, svjestan da navedenim naročito drskim ponašanjem i nasiljem prema drugom ugrožava građanski mir, što je i htio, a kada ga je P. A. upozorio da ga ne smije dohvatiti i pri tome držao spuštene ruke, nastavio sa psovka i prijetnjama govoreći da je ležao u zatvoru, da će ležati i za njega, sa kojim prijetnjama je prestao kada je na lice mjesta došla policija,

Dakle, naročito drskim ponašanjem i nasiljem prema drugom ugrozio građanski mir,

Čime je počinio krivično djelo nasilničko ponašanje iz člana 362. stav 1. Krivičnog zakona Federacije Bosne i Hercegovine (KZ FBiH).